0.0.1 mahākammavibhanga suttam

- 1. evam me sutam: ekam samayam bhagavā rājagahe viharati veļuvane kalandakanivāpe. tena kho pana samayena āyasmā samiddhi araññakuţikāyam viharati.
- 2. atha kho potaliputto paribbājako jaṅghāvihāraṃ anucaṅkamamāno anuvicaramāno yenāyasmā samiddhi tenupasaṅkami. upasaṅkamitvā āyasmatā samiddhinā saddhiṃ sammodi. sammodanīyaṃ kathaṃ sārāṇīyaṃ vītisāretvā ekamantaṃ nisīdi. ekamantaṃ nisinno kho potaliputto paribbājako āyasmantaṃ samiddhiṃ etadavoca: 'sammukhā metaṃ āvuso samiddhi, samaṇassa gotamassa sutaṃ, sammukhā paṭiggahitaṃ: moghaṃ kāyakammaṃ, moghaṃ vacīkammaṃ, manokammameva sacca'nti. atthi ca sā samāpatti yaṃ samāpattiṃ samāpanno na kiñci vediyatīti.
- 3. mā evam āvuso potaliputta avaca, mā evam āvuso potaliputta avaca, mā bhagavantam abbhācikkhi, na hi sādhu bhagavato abbhakkhānam, na hi bhagavā evam vadeyya: 'mogham kāyakammam, mogham vacīkammam, manokammameva sacca'nti. atthi ca kho sā āvuso, samāpatti yam samāpattim samāpanno na kiñci vediyatīti.
- 4. kiva ciram pabbajitosi āvuso, samiddhīti.
- 5. na ciram āvuso, tīni vassāniti.

- **6.** etthadāni mayam there bhikkhu kim vakkhāma, yatra hi nāmevam navo bhikkhu satthāram parirakkhitabbam maññissati. sañcetanikam āvuso samiddhi, kammam katvā kāyena vācāya manasā, kim so vediyatīti.
- 7. sañcetanikam āvuso potaliputta, kammam katvā kāyena vācāya manasā, dukkham so vediyatīti.
- **8.** atha kho potaliputto paribbājako āyasmato samiddhissa bhāsitam neva abhinandi na paṭikkosi. anabhinanditvā appaṭikkositvā uṭṭhāyāsanā pakkāmi.
- 9. atha kho āyasmā samiddhi acirapakkante potaliputte paribbājake yenāyasmā ānando tenupasankami. upasankamitvā āyasmatā ānandena saddhim sammodi. sammodanīyam katham sārānīyam vītisāretvā ekamantam nisīdi. ekamantam nisinno kho āyasmā samiddhi yāvatako ahosi potaliputtena paribbājakena saddhim kathāsallāpo, tam sabbam āyasmato ānandassa ārocesi. evam vutte āyasmā ānando āyasmantam samiddhim etadavoca: 'atthi kho idam āvuso samiddhi, kathāpābhatam bhagavantam dassanāya. āyāmāvuso samiddhi. yena bhagavā tenupasankameyyāma, upasankamitvā etamattham bhagavato āroceyyāma. yathā no bhagavā vyākarissati, tathā nam dhāreyyāmāti.
- **10.** evamāvusoti kho āyasmā samiddhi āyasmato ānandassa paccassosi. atha kho āyasmā ca ānando āyasmā

ca samiddhi yena bhagavā tenupasankamimsu. upasankamitvā bhagavantam abhivādetvā ekamantam nisīdimsu. ekamantam nisīnno kho āyasmā ānando yāvatako ahosi āyasmato samiddhissa potaliputtena paribbājakena saddhim kathā sallāpo, tam sabbam bhagavato ārocesi.

- 11. evam vutte bhagavā āyasmantam ānandam etadavoca: 'dassanampi kho aham ānanda, potaliputtassa paribbājakassa nābhijānāmi. kuto panevarūpam kathāsallāpam. iminā ca ānanda, samiddhinā moghapurisena potaliputtassa paribbājakassa vibhajja vayākaranīyo pañho ekamsena vyākato'ti.
- **12.** evam vutte āyasmā udāyī bhagavantam etadavoca: 'sace pana bhante, āyasmatā samiddhinā idam sandhāya bhāsitam, yam kiñci vedayitam tam dukkhasmi'nti.
- 13. atha kho¹ bhagavā āyasmantam ānandam āmantesi: 'passa kho tvam ānanda, imassa udāyissa moghapurisassa ummaggam². aññāsim kho aham ānanda, idānevāyam udāyī moghapuriso ummujjamāno ayoniso ummujjissatī'ti. ādimyeva ānanda, potaliputtena paribbājakena tisso vedanā pucchitā. sacāyam ānanda, samiddhi moghapuriso potaliputtassa paribbājakassa evam puṭṭho evam vyākareyya: 'sañcetanikam āvuso

²ummaṅgam - majasam

¹evam vutte - svā

potaliputta, kammam katvā kāyena vācāya manasā sukhavedaniyam, sukham so vediyati³. sañcetanikam āvuso potaliputta, kammam katvā kāvena vācāva manasā dukkhavedaniyam, dukkham so vediyati. sañcetanikam āvuso potaliputta, kammam katvā kāyena vācāva manasā adukkhamasukhavedaniyam, adukkhamasukham so vediyatīti. evam vyākaramāno kho ānanda, samiddhi moghapuriso potaliputtassa paribbājakassa sammā vyākareyya. apicānanda, ke ca aññatitthiyā paribbājakā bālā avyattā, ke ca tathāgatassa mahākammavibhangam jānissanti. sace tumhe ānanda, suneyyatha tathagatassa mahakammavibhangam vibhajantassāti.

- 14. etassa bhagavā kālo, etassa sugata kālo, yam bhagavā mahākammavibhangam vibhajeyya. bhagavato sutvā bhikkhu dhāressantīti.
- 15. tena hā'nanda, sunāhi, sādhukam manasi karohi, bhāsissāmīti.
- 16. evam bhanteti kho āyasmā ānando bhagavato paccassosi. bhaqavā etadavoca:
- 17. cattāro me ānanda, puggalā santo samvijjamānā lokasmim, katame cattāro: idhānanda, ekacco puggalo idha pānātipātī hoti, adinnādāyī hoti, kāmesu micchācārī hoti, musāvādī hoti, pisunāvāco hoti, pharu-

³vedavati - maiasam, sīmu

sāvāco hoti, samphappalāpī hoti, abhijjhālū hoti, vyāpannacitto hoti, micchādiṭṭhī hoti, so kāyassa bedā parammaraṇā apāyaṃ duggatiṃ vinipātaṃ nirayaṃ upapajjati.

- 18. idha pana ānanda, ekacco puggalo idha pāṇātipātī hoti adinnādāyī hoti, kāmesu micchācārī hoti, musāvādī hoti, pisunāvāco hoti, pharusāvāco hoti, samphappalāpī hoti, abhijjhālū hoti, vyāpannacitto hoti, micchādiṭṭhī hoti. so kāyassa bhedā parammaraṇā sugatiṃ saggaṃ lokaṃ upapajjati.
- 19. idhānanda ekacco puggalo idha pāṇātipātā paṭivirato hoti, adinnādānā paṭivirato hoti, kāmesu micchācārā paṭivirato hoti, musāvādā paṭivirato hoti, pisunā vācā⁴ paṭivirato hoti, pharusā vācā⁵ paṭivirato hoti, samphappalāpā paṭivirato hoti, anabhijjhālū hoti, avyāpannacitto hoti, sammādiṭṭhī hoti, so kāyassa bhedā parammaraṇā sugatiṃ saggaṃ lokaṃ upapajjati.
- 20. idhapanānanda, ekacco puggalo idha pāṇātipātā paṭivirato hoti, adinnādānā paṭivirato hoti, kāmesu micchācārā paṭivirato hoti, musāvādā paṭivirato hoti, pisunā vācā paṭivirato hoti, pharusā vācā paṭivirato hoti, samphappalāpā paṭivirato hoti, anabhijjhālū hoti, vyāpannacitto hoti, sammādiṭṭhī hoti, so kāyassa bhedā

⁴pisuņāya vācāya - majasam, sīmu.

⁵pharusāya vācāya - majasam, sīmu.

parammaraṇā apāyam duggatim vinipātam nirayam upapajjati.

idhānanda, ekacco samaņo vā brāhmaņo vā ātappamanvāya padhānamanvāya anuyogamanvāya appamādamanvāya sammā manasikāramanvāya tathārūpam cetosamādhim phusati. yathā samāhite citte dibbena cakkhunā visuddhena atikkantamānusakena amum puggalam passati: 'idha pānātipātim adinnādāyim kāmesu micchācārim musāvādim pisunā vācam pharusāvācam samphappalāpim abhijjhālum vyāpannacittam micchāditthim. kāyassa bhedā parammaranā passati apāyam duggatim vinipātam nirayam uppannam. so evamāha: 'atthi kira bho, pāpakāni kammāni, atthi duccaritassa vipāko, apāham puggalam addasam idha pānātipātim adinnādāyim kāmesu micchācārim musāvādim pisunāvācam pharusāvācam samphappalāpim abhijjhālum vyāpannacittam micchādiţthim kāyassa bhedā parammaraṇā passāmi apāyam duggatim vinipātam nirayam uppannanti. so evamāha: 'yo kira bho pāṇātipātī adinnādāyī kāmesu micchācārī musāvādī pisunāvācī pharusāvācī samphappalāpī anabhijihālū hoti, vyāpannacitto hoti, micchāditthi, sabbo so kāyassa bhedā parammaranā apāyam duggatim vinipātam nirayam upapajjati. ye evam jānanti, te sammā jānanti, ye aññathā jānanti, micchā tesam ñānanti. iti so vadeva tassa sāmam ñātam sāmam dittham sāmam viditam, tadeva tattha thāmasā parāmassa⁶ abhinivissa voharati: idameva saccam moghamañña'nti.

⁶paramāsā-majasam

- idha panānanda, ekacco samano vā brāhmano vā ātappamanvāya padhānamanvāya anuyogamanvāya appamādamanyāva sammā manasikāramanyāva tathārūpam cetosamādhim phusati yathā samāhite citte dibbena cakkhunā visuddhena atikkantamānusakena amum puggalam passati, idha panatipatim adinnadayim kamesu micchācārim musāvādim pisunā vācam pharusāvācam samphappalāpim abhijjhālum vyāpannacittam micchāditthim, kāyassa bhedā parammaraņā passati sugatim saggam lokam uppannam, so evamāha: 'natthi kira bho, pāpakāni kammāni, natthi duccaritassa vipāko, apāham puggalam addasam idha pāṇātipātim adinnādāvim kāmesu micchācārim musāvādim pisunāvācam pharusāvācam samphappalāpim abhijjhālum vyāpannacittam micchāditthim kāyassa bhedā parammaranā passāmi sugatim saggam lokam uppannanti. so evamāha: 'yo kira bho pānātipātī adinnādāyī kāmesu micchācārī musāvādī pisunāvācī pharusāvācī samphappalāpī abhijjhālū hoti, vyāpannacitto hoti, micchāditthi, sabbo so kāvassa bhedā parammaranā sugatim saggam lokam upapajjati. ye evam jānanti, te sammā jānanti, ve aññathā jānanti, micchā tesam ñānanti. iti so vadeva tassa sāmam ñātam sāmam dittham sāmam viditam, tadeva tattha thāmasā parāmassa abhinivissa voharati: idameva saccam moghamañña'nti.
- 23. idhānanda, ekacco samaņo vā brāhmaņo vā ātappamanvāya padhānamanvāya anuyogamanvāya appamādamanvāya sammā manasikāramanvāya tathārūpaṃ cetosamādhiṃ phusati. yathā samāhite citte dibbena

cakkhunā visuddhena atikkantamānusakena amum puggalam passati 'idha pānātipātā pativiratam adinnādānā pativiratam kāmesu micchācārā paţiviratam musāvādā paţiviratam pisunā vācā paţiviratam pharusā vācā pativiratam samphappalāpā pativiratam anabhijjhālum avyāpannacittam sammāditthim kāvassa bhedā parammaranā passati sugatim saggam lokam upapannam. so evamāha: 'atthi kira bho kalyāṇāni kammāni, atthi sucaritassa vipāko. apāham puggalam addasam idha pānātipātā pativiratam adinnādānā pativiratam kāmesu micchācārā paţiviratam musāvādā paţiviratam pisunāvācā pativiratam pharusāvācā pativiratam samphappalāpā pativiratam anabhijihālum avyāpannacittam sammāditthim kāyassa bhedā parammaranā passāmi sugatim saggam lokam upapanna'nti. māha: 'yo kira bho pānātipātā pativirato adinnādānā pativirato kāmesu micchācārā pativirato musāvādā pativirato pisunāvācā pativirato pharusāvācā pativirato samphappalāpā pativirato anabhijihālū hoti, avyāpannacitto hoti, sammāditthi sabbo so kāvassa bhedā parammaraṇā sugatim saggam lokam upapajjati ye evam jānanti, te sammā jānanti, ve añnathā jānanti, micchā tesam ñāṇanti. iti so yadeva tassa sāmam ñātam sāmam dittham sāmam viditam, tadeva tattha thāmasā parāmassa abhinivissa voharati: 'idameva saccam moghamañña'nti.

24. idha panānanda, ekacco samaņo vā brāhmaņo vā ātappamanvāya padhānamanvāya anuyogamanvāya appamādamanvāya sammā manasikāramanvāya tathārū-

pam cetosamādhim phusati, yathā samāhite citte dibbena cakkhunā visuddhena atikkantamānusakena amum puggalam passati. idha pānātipātā pativiratam adinnādānā pativiratam kāmesu micchācārā pativiratam musāvādā pativiratam pisunā vācā pativiratam pharusā vācā pativiratam samphappalāpā pativiratam anabhijihālum avvāpannacittam sammāditthim kāvassa bhedā parammaranā apāyam duggatim vinipātam nirayam upapannam. so evamāha: 'natthi kira bho kalyāṇāni kammāni, natthi sucaritassa vipāko. apāham puggalam addasam idha pāṇātipātā pativiratam adinnādānā paţiviratam kāmesu micchācārā paţiviratam musāvādā pativiratam pisunā vācā pativiratam pharusāvācā pativiratam samphappalāpā pativiratam anabhijjhālum avyāpannacittam sammāditthim, kāyassa bhedā parammaranā passāmi apāyam duggatim vinipātam nirayam upapanna'nti. so evamāha: 'yo kira bho pānātipātā pativirato adinnādānā pativirato kāmesu micchācārā pativirato musāvādā pativirato pisunāvācā pativirato pharusāvācā pativirato samphappalāpā pativirato anabhijjhālu hoti, avyāpannacitto hoti sammāditthi. sabbo so kāvassa bhedā parammaranā apāvam duggatim vinipātam nirayam upapajjati, ye evam jānanti, te sammā jānanti, ye aññathā jānanti, micchā tesam ñāṇa'nti. iti so yadeva tassa sāmam ñātam sāmam dittham sāmam viditam, tadeva tattha thāmasā parāmassa abhinivissa voharati: 'idameva saccam moghamañña'nti.

25. tatrānanda, yvāyam samaņo vā brāhmaņo vā evamāha: atthi kira bho, pāpakāni kammāni, atthi ducca-

ritassa vipākoti. idamassa anujānāmi. yampi so evamāha: apāham puggalam addasam idha pānātipātim adinnādāvim kāmesu micchācārim musāvādim pisunāvācim pharusāvācim samphappalāpim anabhijjhālum avyāpannacittam sammāditthim kāyassa bhedā parammaranā passāmi apāvam duggatim vinipātam nirayam upapanna'nti. idampissa anujānāmi. yañca kho so evamāha: 'yo kira bho pāṇātipātī adinnādāyī kāmesu micchācārī musāvādī pisunāvācī pharusāvācī samphappalāpī anabhijihālu hoti, avyāpannacitto hoti, sammāditthi, sabbo so kāvassa bhedā parammaranā apāyam duggatim vinipātam nirayam upapajjatī'ti. idamassa nānujānāmi. yampi so evamāha: ye evam jānanti, te sammā jānanti, ve aññathā jānanti, micchā tesam ñānanti. idampissa nānujānāmi. yampi so yadeva tassa sāmam ñātam sāmam dittham sāmam viditam, tadeva tattha thāmasā parāmassa abhinivissa voharati, 'idameva saccam moghamañña'nti. idampissa nānujānāmi. tam kissa hetu: aññathā hi ānanda, tathāgatassa mahākammavibhange ñānam hoti.

26. tatrānanda, yvāyam samaņo vā brāhmaņo vā evamāha: natthi kira bho, pāpakāni kammāni natthi duccaritassa vipākoti. idamassa nānujānāmi. yampi kho so evamāha: apāham puggalam addasam idha pāṇātipātim adinnādāyim kāmesu micchācārim musāvādim pisunāvācim pharusāvācim samphappalāpim anabhijjhālum avyāpannacittam sammādiṭṭhim kāyassa bhedā parammaraṇā passāmi sugatim saggam lokam upapanna'nti, idamassa anujānāmi. yanca kho so eva-

11

māha: 'yo kira bho pāṇātipātī adinnādāyī kāmesu mic-chācārī musāvādī pisunāvācī pharusāvācī samphap-palāpī anabhijjhālu hoti, avyāpannacitto hoti sammā-diṭṭhi, sabbo so kāyassa bhedā parammaraṇā sugatiṃ saggaṃ lokaṃ upapajjatī'ti. idamassa nānujānāmi. yampi so evamāha: ye evaṃ jānanti, te sammā jānanti ye añ-nathā jānanti, micchā tesaṃ nāṇanti. idampissa nānujānāmi. yampi so yadeva tassa sāmaṃ nātaṃ sāmaṃ diṭṭhaṃ sāmaṃ viditaṃ, tadeva tattha thāmasā parāmassa abhinivissa voharati: 'idameva saccaṃ moghamañna'nti. idampissa nānujānāmi. taṃ kissa hetu: añnathā hi ānanda, tathāgatassa mahākammavibhaṅge nāṇaṃ hoti.

27. tatrānanda, yvāyam samano vā brāhmano vā evamāha: atthi kira bho kalyānāni kammāni, atthi sucaritassa vipākoti. idamassa anujānāmi. yampi kho so evamāha: apāham puggalam addasam idha pānātipātā pativiratam adinnādānā paţiviratam kāmesu micchācārā pativiratam musāvādā pativiratam pisunā vācā pativiratam pharusā vācā pativiratam samphappalāpā paţiviratam anabhijjhālum avyāpannacittam sammāditthim. kāyassa bhedā parammaraņā passāmi sugatim saggam lokam upapanna'nti. idampissa anujānāmi. yañca kho so evamāha: yo kira bho pāṇātipātā paṭivirato adinnādānā pativirato kāmesu micchācārā pativirato musāvādā pativirato pisunāvācā pativirato pharusāvācā pativirato anabhijihālum avyapannacittam sammāditthi, sabbo so kāvassa bhedā parammaranā sugatim saggam lokam upapajjatī'ti. idamassa nānujānāmi yampi so evamāha: ye evam jānanti te sammā jānanti, ye aññathā jānanti micchā tesam ñāṇanti. idampissa nānujānāmi. yampi so yadeva tassa sāmam ñātam sāmam diṭṭham sāmam viditam, tadeva tattha thāmasā parāmassa abhinivissa voharati: idameva saccam moghamañna'nti. idampissa nānujānāmi. tam kissa hetu: aññathā hi ānanda, tathāgatassa mahākammavibhange ñāṇam hoti.

28. tatrānanda, yvāyam samaņo vā brāhmaņo vā evamāha: natthi kira bho kalvānāni kammāni, natthi sucaritassa vipākoti, idamassa nānujānāmi, vanca kho so evamāha: apāham puggalam addasam idha pānātipātā pativiratam adinnādānā pativiratam kāmesu micchācārā pativiratam musāvādā pativiratam pisunā vācā pativiratam pharusā vācā pativiratam samphappalāpā pativiratam anabhijihālum avyāpannacittam sammāditthim. kāyassa bhedā parammaranā passāmi apāvam duggatim vinipātam niravam upapanna'nti. idamassa anujānāmi. yañca kho so evamāha: yo kira bho pānātipātā pativirato adinnādānā pativirato kāmesu micchācārā paţivirato musāvādā paţivirato pisunāvācā paţivirato pharusāvācā paţivirato anabhijihālum avvapannacittam sammāditthi, sabbo so kāvassa bhedā parammaranā apāyam duggatim vinipātam nirayam upapajjatī'ti. idamassa nānujānāmi yañca so kho evamāha: ye evam jānanti, te sammā jānanti, ye aññathā jānanti, micchā tesam ñānanti. idampissa nānujānāmi. yampi so yadeva tassa sāmam ñātam sāmam dittham sāmam viditam, tadeva tattha thāmasā

parāmassa abhinivissa voharati: idameva saccam moghamañña'nti. idampissa nānujānāmi. tam kissa hetu: aññathā hi ānanda, tathāgatassa mahākammavibhaṅge ñāṇam hoti.

- 29. tatrānanda, yvāyam puggalo idha pāṇātipātī adinnādāyī kāmesu micchācārī musāvādī pisunāvācī pharusāvācī abhijjhālū vyapannacittam micchāditthi, kāyassa bhedā parammaraṇā apāyam duggatim vinipātam nirayam upapajjati. pubbe vāssa tam katam hoti pāpakammam dukkhavedaniyam. pacchā vāssatam katam hoti pāpakammam dukkhavedaniyam. maraṇakāle vāssa hoti micchāditthi samattā samādinnā⁷. tena so kāyassa bhedā parammaraṇā apāyam duggatim vinipātam nirayam upapajjati. yanca kho so idha pāṇātipātī hoti adinnādāyī hoti kāmesu micchācārī hoti musāvādī hoti pisunāvācī hoti pharusāvācī hoti abhijjhālū hoti vyapannacittam micchāditthī hoti tassa dittheva dhamme vipākam paṭisamvedeti, upapajje⁸ vā, apare vā pariyāye.
- 30. tatrānanda, yvāyam puggalo idha pāṇātipātī adinnādāyī kāmesu micchācārī musāvādī pisunāvācī pharusāvācī abhijjhālum vyapannacittam micchādiţţhi, kāyassa bhedā parammaraṇāsugatim saggam lokam upapajjati. pubbe vāssa tam katam hoti kalyāṇakammam sukhavedaniyam. pacchā vāssa tam katam hoti kalyāṇakammam sukhavedaniyam. maraṇakāle vāssa

⁷samādiņņā - pts.

⁸upapajja - majasam, sīmu. upapajjam - pts

hoti sammādiţţhi samattā samādinnā, tena so kāyassa bhedā parammaraṇā sugatim saggam lokam upapajjati. yanca kho so idha pāṇātipātī hoti adinnādāyī hoti kāmesu micchācārī hoti musāvādī hoti pisunāvācī hoti pharusāvācī hoti abhijjhālum hoti vyapannacittam micchādiţţhī hoti. tassa diţţheva dhamme vipākam paţisamvedeti, upapajje vā, apare vā, pariyāye.

- tatrānanda, yvāyam puggalo idha pānātipātā pa-31. tivirato adinnādānā pativirato kāmesu micchācārā pativirato musāvādā pativirato pisunāvācā pativirato pharusāvācā pativirato anabhijihālum avyapannacittam sammāditthi, kāvassa bhedā parammaranā sugatim saggam lokam upapajjati. pubbe vāssa tam katam hoti kalvānakammam sukhavedaniyam. pacchā vāssa tam katam hoti kalyanakammamsukhavedaniyam. maranakāle vāssa hoti sammāditthi samattā samādinnā. tena so kāvassa bhedā parammaranā sugatim saggam lokam upapajjati. yanca kho so idha panatipata pativirato hoti adinnādānā pativirato hoti kāmesu micchācārā pativirato hoti musāvādā pativirato hoti pisunāvācā pativirato hoti pharusāvācā pativirato hoti anabhijjhālum hoti avyapannacittam sammāditthī hoti. tassa dittheva dhamme vipākam patisamvedeti, upapajje vā, apare vā pariyāye.
- **32.** tatrānanda, yvāyam puggalo idha pāṇātipātā pațivirato adinnādānā paṭivirato kāmesu micchācārā pațivirato musāvādā paṭivirato pisunāvācā paṭivirato pharusāvācā paṭivirato anabhijjhālum avyapannacittam sam-

mādiţţhi, kāyassa bhedā parammaraṇā apāyaṃ duggatiṃ vinipātaṃ nirayaṃ upapajjati. pubbe vāssa taṃ kataṃ hoti pāpakammaṃ dukkhavedanīyaṃ. pacchā vāssa taṃ kataṃ hoti pāpakammaṃ dukkhavedaniyaṃ. maraṇakāle vāssa hoti micchādiţţhi samattā samādinnā. tena so kāyassa bhedā parammaraṇā apāyaṃ duggatiṃ vinipātaṃ nirayaṃ upapajjati. yañca kho so idha pāṇātipātā paṭivirato hoti adinnādānā paṭivirato hoti kāmesu micchācārā paṭivirato hoti musāvādā paṭivirato hoti pisunāvācā paṭivirato hoti pharusāvācā paṭivirato hoti anabhijjhāluṃ hoti avyapannacittaṃ sammādiţţhī hoti, tassa diţṭheva dhamme vipākaṃ paṭisaṃvedeti, upapajje vā, apare vā, pariyāye.

- **33.** iti kho ānanda, atthi kammam abhabbam abhabbābhāsam, atthi kammam abhabbam bhabbābhāsam. atthi kammam bhabbanceva bhabbābhāsanca, atthi kammam bhabbam abhabbābhāsanti.
- **34.** idamavoca bhagavā. attamano āyasmā ānando bhagavato bhāsitam abhinandīti.